

神戸市外国語大学 学術情報リポジトリ

Lu-xun's "The Chinese old tales (Gu xiao-shuo gou-chen) enlarged and revised edition VIII

メタデータ	言語: zho 出版者: 公開日: 1996-10-31 キーワード (Ja): キーワード (En): 作成者: 中島, 長文, Nakajima, Osafumi メールアドレス: 所属:
URL	https://kobe-cufs.repo.nii.ac.jp/records/1762

This work is licensed under a Creative Commons Attribution-NonCommercial-ShareAlike 3.0 International License.



『古小說鉤沈』校本

八

殷芸小說（二續）

魯迅
中島長文校輯

78 孔文學中夜暴疾、命門人鑽火、其夜陰暝、門人忿然曰、『君責人太不以道、今暗若漆、何不把火照我、當得覓鑽火具』然後得火。』文學聞之曰、『責人當以其方。』

校記 出俳諧文。續談助四（36）。○余氏83。唐氏79。周氏91。類話見鉤沈『笑林』7。

（二）○續談助各本皆無「覓」字、或鉤沈據笑林補之、今暫存之。（三）○「方」續談助皆誤作「文」、鉤沈當據笑林改爲「方」。

79 曹公與楊太尉書論刑楊修云、『操白、足下不遺賢子見輔、今軍征事大、吾制鐘鼓之音、主簿應掌。而賢子恃豪父之勢、每不與吾同懷。念卿父息之情、同此悼楚。謹贈足下錦裘二領、八節銀角桃枝一枚、官絹五百疋、錢六十萬、四望通臆七香車一乘、青牒牛二頭、八百里驊騮一疋、赤戎金裝鞍轡十副、鈴電一具、驅使一人侍衛之。』并遺足下貴室錯

彩羅縠裘一領、織成鞞一量、有心青衣二人長奉左右。所奉雖薄、以表吾意、足下便當慨然成納、不致往返。」楊太尉答書云、「彪白、小兒頑鹵、常慮當致傾敗、足下恩矜、延罪訖今。聞問之日、心腸酷裂。省鑒衆賜、益以悲懼。」曹公卞夫人與太尉夫人袁書、「卞頓首頓首、貴門不遺賢郎輔佐、方今戎馬興動、主簿股肱近臣、征伐之計、事須諮。官立金鼓之節、而聞命違制、明公性急、輒行軍法。伏念悼痛酷楚、情不自勝。夫人多容、即見垂恕。故送衣服一籠、文絹一百疋、房子官錦百斤、私所乘香車一乘、牛一頭。誠知微細、以達往意、望爲承納。」楊太尉夫人袁氏答書、「袁頓首頓首、路岐雖近、不展淹久、歎想之情、抱勞山積。小兒疏細、果自招罪戾、念之痛楚。明公所賜已多、又加重賚、禮頗非宜何受、輒付往信。」

校記 出魏武楊彪傳。續談助四(37)。○余氏84、注云、「案魏武楊彪傳不知何書、考後漢書楊彪傳注及魏志陳思王植傳均引典略載楊修之事、典略卽魚豢魏略、此當作出魏略楊彪傳、淺人不知、改爲魏武耳。古文苑(一〇)載此數書、疑卽自殷芸小說錄入、但其文反較此爲詳、蓋晁伯宇鈔入續談助之時、有所刪節耳。」唐氏80。周氏92。

古文苑卷十云、曹公與楊太尉書論刊楊脩云、操白、與足下同海內大義、足下不遺以賢子見輔。比中國雖靖、方外未夷、今軍征事大、百姓騷擾、吾制鐘鼓之音、主簿宜守。而足下賢子恃豪父之勢、每不與吾同懷。卽欲直繩、顧頗恨恨、謂其能改、遂轉寬舒。復卽有貸、將延足下尊門大累、便令刑之。念卿父息之情、同此悼楚、亦未必非幸也。謹贈足下錦裘二領、八節角桃杖龍谿精舍校本作杖。一枝、官絹五百匹、錢六十萬、四望通幃七香車一乘、青犢牛二頭、八百里驊騮馬一匹、赤戎金裝鞍轡十副、鈴苞一具、驅使二人。并遺足下貴室錯彩羅縠裘一領、織成鞞一量、有心青衣二人長奉左右。所奉雖薄、以表吾意、足下便當慨然承納、不致往返。

楊彪答曹公書云、彪白、雅顧隆篤、每蒙接納、私自光慰。小兒頑鹵、謬見采錄、不能期效、以報所愛。方今軍征未暇

其備、位、匡、政、當、與、戮、力、一、心。而、寬、玩、自、稽、將、違、法、制。相、子、之、行、莫、若、其、父、恒、慮、小、兒、必、致、傾、敗、足、下、恩、恕、延、罪、迄、今。近、聞、間、龍、谿、精、舍、校、刊、本、作、慙。之、日、心、腸、酷、裂、凡、人、情、誰、能、不、爾。深、惟、其、失、用、以、自、釋。所、惠、馬、及、雜、物、自、非、親、舊、孰、能、至、斯。省、覽、衆、賜、益、以、悲、懼。

曹公下夫人與楊太尉夫人袁氏書云、卞頓首、貴門不遺賢郎輔佐、每感篤念、情在凝至。賢郎盛德熙妙、有蓋世文才、闔門欽敬、實用不已。方今騷擾、戎馬屢動、主簿股肱近臣、征伐之計、事須敬咨。官立金鼓之節、而聞命違制。明公性急、忿然在外、輒行軍法。卞姓當時、亦所不知。聞之心肝塗地、驚愕斷絕、悼痛酷楚、情自不勝。夫人多容、即見垂恕。故送衣服一籠、文絹百匹、房子官錦百斤、私所乘香車一乘、牛一頭。誠知微細、以達往意、望爲承納。

楊太尉夫人袁氏答書云、彪袁氏頓首頓首、路歧雖近、不展淹久、歎想之勞、情抱山積。曹公匡濟天下、遐邇以寧、四海歸仰、莫不感戴。小兒疏細、謬蒙采拾、未有上報、果自招罪戾、念之痛楚、五內傷裂、尊意不遺、伏辱惠告。見明公與太尉書、具知委曲。度子之行、不過父母。小兒違越、分應至此。怜其始立之年、畢命埃土、遺育孤幼、言之崩潰。明公所賜已多、又加重賚、禮頗非宜荷受、輒付往信。

(一〇)「應掌」二字古文苑作「宜守」。(一一)「足」字原脫、今據古文苑補。(一二)余氏注云、「杖原誤枝、據

書抄百三十三及古文苑改。」龍谿精舍校刊本古文苑作「桃枝一枝」。「一枚」古文苑諸本作「一枝」。(一四)「赤」

今據古文苑補。十萬卷樓本續談助作「戎裝金鞍轡」、余氏從此。(一五)余氏注云、「苞原作雹、從古文苑改。」古文

苑諸本俱作「苞」。(一六)「驅」字原闕、今據古文苑補。古文苑無「侍衛之」三字。(一七)鈎沈稿本·排印本

「長」下空一格。今據古文苑補。(一八)原注「成」一作承。○古文苑亦作「承」。(一九)古文苑「須」下有「敬」

字。(二〇)「性急」二字、鈎沈本空一格、今據古文苑補。(二一)余氏注云、「困學紀聞」二十二云、房子官綿

百斤、古文苑誤作錦、而注者妄解。今按續談助亦作錦、疑宋本小說固已誤矣。」唐氏注亦云、「原誤錦據困學紀聞卷二十改正。」

80 司馬德操初見龐士元稱之曰、「此人當爲南州冠冕。」時士元尚少、及長、果如徽言。

校記 出徽傳。續談助四（38）。○余氏85。唐氏81。周氏93。事見『蜀志』龐統傳。

81 司馬徽居荊州、以劉表不明、度必有變、思退縮以自全。人每與語但言佳。其妻責其無別。徽曰、「如汝所言、亦復甚佳。」終免禍。

校記 紺珠集二（14）。○類說四九12。記纂淵海四三（異文）。余氏86。唐氏81。周氏94。類話見『世說』言語篇9。注引司馬徽別傳、「類林雜說」二引文士傳。

記纂淵海四三引云、司馬徽與人語、莫問好惡、皆言好。有鄉人問徽安否。答曰、「好。」有人自陳子死。答曰、「大好。」妻責之曰、「人以君有德故相告。何忽聞人子死、便言好。」徽曰、「卿言亦大好。」

(一)○類說無「不明度」三字。 (二)○類說無「人」。(三)○下字「其」類說作「以」。(四)○「徽」今據類說補。(五)○類說此句作「終免于難」四字。

82 潁川太守朱府君以正月初見諸縣史燕、問功曹鄭劭公曰、「昔在京師、聞公卿百僚、歎述貴郡前賢後哲、英雄瓌璋。然未覩其奇行異操、請問遺訓。」對曰、「鄙潁川、本韓之分野、豫之淵藪。其於天官、上當角亢之宿、下稟膏少之靈、受

岳瀆之精、託晉楚之際、處陳鄭之末。少陽之氣、太清所挺。是以賢聖龍蟠、俊彥鳳舉。昔許由巢父出於陽城、樊仲甫又出陽城、□侯張良又出於陽城、胡元安出於許縣、灌彪義山出於昆陽、審尋初出於定陵、杜安伯夷又出於定陵、蔡道出於潁陽。』府君曰、『太原周伯況、汝南周彥祖、皆辭徵禮之寵、恐貴郡未有如此者也。』劭公對曰、『昔許由恥受堯位、洗耳河濟。樊仲甫者飲牛河路、恥臨濁流、回車旋牛。二周公但讓公卿之榮、以此推之、天地謂之咫尺、不亦遠乎。』

校記 出鄭邵公對潁川太守。續談助四(39)。○余氏87、注云、「事見袁宏後漢紀十八、順帝永建四年、惟彼此詳細不同。」唐氏83。周氏95。

(一)○余氏注云、「公字原脫、據下文補」。今從。(二)○余氏注云、「留字原闕、今補」。 (三)原注(道)一作遵。○余氏注云、「案後漢書蔡遵傳云潁川潁陽人也、據改。」

以上後漢人也。

83 劉楨以失敬罷、文帝曰、『卿何以不謹文憲。』答曰、『臣誠庸短、亦緣陛下綱目不疎。』文帝出游、楨見石人曰、『問彼石人、彼服何羈。何時去衛、來游此都。』

校記 出世說。續談助四(40)。注云此卷並魏上人。○余氏89、注云、「魏世人原作魏上人、今改。」唐氏84。周氏96。此條見今本『世說』言語篇10、但引至「綱目不疎」爲止、無「文帝出游」之事。下當有闕文、或系一事歟。

(一)○十萬卷樓本續談助「楨」誤作「楨」、下同。(三)○「何」續談助各本均脫、鉤沈據世說補。「謹」鉤沈稿本。排印本皆作「敬」、又排印本以「不敬」句斷、而且以「文憲」爲人名、七三年版全集皆已正之。(三)○「庸」續談助作「痛」、意不通、鉤沈據世說改。(四)○「彼」余氏注云、「當作被」。

84 魏王北征、踰升嶺眺矚、見一岡、不生百草。王粲曰、「此必古冢。其人在世服生礬石、熱蒸出外、故草木焦滅。」遽令鑿看、果是大墓、礬石滿塋。一說、粲在荊州從劉表登嶂山、而見此異。曹武北征、粲猶在江南、以此爲然。

校記 出異苑。續談助四(41)。○余氏90。唐氏85。周氏97。此條見今本「異苑」七。

(一)○今本異苑「踰」作「踰頓」而承接上文。十萬卷樓本「魏」誤作「韓」。異苑「魏王」作「魏武」。(二)○異苑「岡」上有「山」字。(三)○異苑「百草」作「草木」。(四)○異苑此句作「必是古冢」。(五)○異苑「其」作「此」。「礬」續談助作「礬」、異苑津逮秘書本亦作「礬」、而異苑學津討原本作「礬」、鈎沈或依學津本改

作「礬」。按當作「礬」、下同。(六)○異苑「熱」作「死而石氣」。(七)○異苑「草」作「卉」。(八)○異苑

「遽」作「即」。(九)○異苑「是」作「得」。(一〇)○異苑此句頭有「有」字。而且句末繼以「仲宣博識強記、皆此類也」十字。(一一)○「嶂」十萬卷樓本、今本異苑皆作「障」。(一二)○異苑此句作「魏武之平烏桓」。

(一三)○十萬卷樓本「然」作「言」。異苑此句作「此言爲講注」作當」。

85 管寧避難遼東還、泛海遭船傾沒、乃思其嘗過曰、「吾曾一朝科頭、三晨晏起。今天怒猥集、過必在此。」

校記 出異苑。續談助四(42)。*紺珠集二(22)。*海錄碎事八。○類說四九16。余氏93。唐氏86。周氏100。此條見今本「異苑」一〇。

(一)○今本異苑「管寧」下有「字幼安」三字。(二)○異苑上句無「還」、此句作「後還、汎海遭風、船垂傾沒」。

類說·紺珠以上二句止作「管寧泛海舟覆紺珠作復」。海錄作「管寧泛海舟欲覆」。(三)○類說·紺珠·海錄均無「思其嘗過」四字。續談助無「曰」。異苑此句作「寧潛思良久曰」。(四)○類說·紺珠·海錄·異苑皆「曾」作「嘗」。

(五)○類說・紺珠・海錄均無此句。 (六)〔鉤沈稿本欄外注云〕海錄碎事八節引末有「風乃息」三字。○海錄「必」作「皆」、異苑作「恐」。

86 魏管輅嘗夜見一小物、狀如獸、手持火、向口吹之、將蕪舍宇。輅命門生舉刀奮擊、斷腰視之、狐也。自此里中無火災。

校記 廣記四百四十七。○余氏110。唐氏108。周氏101。事見『魏志』管輅傳裴松之注引紀玄龍之語。

(一)○廣記「嘗」作「常」、通用。

87 王朗中年以識度推華歆、歆蜡日嘗與子姪宴飲、王亦學之。有人向張茂先稱此事、張曰、『王之學華、蓋是形骸之外、去之所以更遠。』

校記 出世說。續談助四(43)。○余氏94。唐氏87。周氏102。此條見今本『世說』德行篇12。

(一)○世說「中年」作「每」。 (二)世說「與」作「集」、「宴」作「燕」。 (三)○世說「茂先」作「華」、「稱」作「說」。 (四)○世說「蓋」作「皆」。按「蓋」或當作「盡」歟。

88 華歆遇子弟甚整雅、閑室之內、儼若朝典。陳元方兄弟、恣柔愛之道。二門之中、兩不失其雍熙之軌度焉。

校記 出世說。續談助四(44)。○余氏95。唐氏88。周氏103。此條見今本『世說』德行篇10。

(一)○世說「雅」作「雖」而屬於下文。 (二)○世說「儼」作「嚴」。 (三)○世說句頭有「而」字、「中」作「裏」。

(四)○世說無「其」「度」二字。

89 魏國初建、潘勗字元茂爲策命文。自漢武以來未有此制、勗乃依商周憲章、唐虞辭義、溫雅與典詰同風、于時朝士皆莫能措一字。勗亡後、王仲宣擅名於當時、時人見此策美、或疑是仲宣所爲、論者紛紛。及晉王爲大傅、臘日大會賓客、勗子蒲時亦在焉。宣王謂之曰、『尊君有封魏君策、高妙信不可及、吾會聞仲宣亦以爲不如。』朝廷之士乃知勗作也。

校記 御覽五百九十三。○余氏91。唐氏89。周氏98。御覽引作「殷洪小說」、余氏有說。

(一)○御覽宋本「以」作「已」、鮑刊本作「以」。
(二)○「臘」鉤沈本作「腊」、今依正。
(三)○「聞」宋本誤作「問」。

90 中華佛法、雖始於漢明帝、然經偈故是胡音。陳思王登魚山、臨東阿、聞巖岫有誦經聲、清婉適亮、遠谷有流響、肅然靈氣、不覺歛襟祇敬、便有終焉之志。諸曹解音、以爲妙唱之極、卽善則之。今梵唄皆植依擬所造也。植亡、乃葬此土。

校記 出異苑。續談助四〔45〕。○余氏96。唐氏90。周氏104。此條見今本『異苑』五、文頗有異同。事之一半亦見『魏志』陳思王植傳。

(一)○以上三句今本異苑無。
(二)○異苑「陳思王」下有「曹植字子建嘗」六字。十萬卷樓本「魚」作「漁」、誤。
(三)○異苑「岫」下有「裏」字。
(四)○異苑此句作「清通深亮」、亦參看注〔九〕。
(五)○異苑「肅然」下有「有」字。
(六)○異苑無以上二句十字。
(七)○異苑「善」作「效而」二字。
(八)○異苑「唄」作「唱」。又無「也」。
(九)○異苑無末二句六字。但有下文云、「二云、陳思王遊山、忽聞空裏誦經聲、清遠適亮。解音者則而

寫之、爲神仙聲。道士效之、作步虛聲也。」

91 傅巽有知人之鑒、在荊州、目龐統爲半英雄、後統附劉備、見待次諸葛亮、如其言。

校記 續談助四〔46〕。○*類說四九二。天中記二五。余氏97、注云、「此條失著書名、事見魏志劉表傳注引傅子。」唐氏91。周氏106。海錄碎事七下亦引劉表傳云、「魏傅巽瓌有知人鑒、在荊州目龐統爲半英雄。」類說引止云「巽曰、龐統爲半英雄」而已。

(一)○余氏注云、「傅子作在荊州、此作房誤」。今從此。

92 平原人有善治僂者、自云、「不善、人百一人耳。」有人曲度八尺、直度六尺、乃厚貨求治、曰、「君且□。」欲上背踏之。僂者曰、「將殺我。」曰、「趣令君直、焉知死事。」

校記 出笑林。續談助四〔47〕。○鉤沈『笑林』19。余氏98。唐氏92。周氏106。
(一)○粵雅堂本續談助「求」上有一「治」字、衍。

93 董昭爲魏武重臣、後失勢。文明之世、下爲衛尉。昭乃厚加意於侏儒。正朝大會、侏儒作董衛尉啼、面言其太祖時事、舉坐大笑、明帝悵然不怡。月中遽爲司徒。

校記 出語林。續談助四〔48〕。○鉤沈『語林』19。余氏100。唐氏93。周氏108。

94 凌雲臺至高、韋誕書榜、即日皓首、榜有未正、募工整之。有鈴下卒、著屐登緣、如履平地。疑其有術、問之。云、

『無術。但兩腋各有肉翅、長數寸許。』

校記 紺珠集二(16)。○類說四九13。余氏101。唐氏94。周氏109。同話見『西陽雜俎』前集九盜俠篇。

(一)○類說句頭有「魏」字。(二)○明刊紺珠無「首」字。(三)○「榜」字今據類說補。(四)○「鈴」類說誤作「鈴」。(五)○「履」類說作「履」。「登」鈎沈・紺珠作「發」、今據類說改。(六)○類說引無。(七)○類說「問」作「詰」。(八)○「無術。但」三字、今據類說補。(九)○鈎沈作「長寸許」、類說作「數寸」、明刊紺珠作「長數許」。今從余氏說。

95 晉撫軍云、『何平叔巧累於理、嵇叔夜雋傷其道。』

校記 出郭子。續談助四(49)。○鈎沈『郭子』52。余氏102。唐氏95。周氏110。同話見『世說』品藻篇31。

96 王輔嗣注易、笑鄭玄云、『老奴甚無意於時。』夜久、忽聞外閣有著屐聲、須臾即入、自云是鄭玄、責之曰、『君年少、何以穿鑿文句、而妄譏老子。』極有怒色、言竟便退。而輔嗣心生畏惡、經少時、乃暴疾而卒。

校記 出幽明錄。續談助四(50)。○鈎沈『幽明錄』99。余氏103。注云、『案廣記三百十七載此事、不著出處。』唐氏96。周氏111。

97 景王欲誅夏侯玄、意未決問、問安王孚云、『己才足以制之否。』孚云、『昔趙儼葬兒、汝來、半坐迎之。泰初後至、一座悉起。以此方之、恐汝不如。』乃殺之。

校記 出語林。續談助四(51)。○類說四九22。鈎沈『語林』22。余氏104。唐氏97。周氏112。

(一)○類說「誅」作「殺」、「玄」作「太初」。(二)○類說無「間」。(三)○鈎沈誤作「王安孚」、七三年版全

集已正。(四)○類說「儼」誤作「岩」。(五)○十萬卷樓本「泰初」作「太初」。類說「後至」作「來」。(六)

○類說「方」作「知」。

98 鍾毓鍾會少有令譽、年十三、魏文帝聞之、語其父繇曰、『令卿二子來。』於是敕見。毓面有汗、帝問曰、『卿面何以汗。』毓對曰、『戰戰惶惶、汗出如漿。』復問會、『卿何以不汗出。』會對曰、『戰戰慄慄、汗不敢出。』又值其父晝寢、因共偷服散酒。其父時覺、且假寐以觀之、毓拜而後飲、會飲而不拜。既問之、毓曰、『酒以成禮、不敢不拜。』又問會、『何以不拜。』會曰、『偷本非禮、所以不拜。』

校記 廣記一百七十四。○余氏105。唐氏98。周氏113。廣記汪校語云、『明鈔本作出世說』。見『世說』言語篇11・12。又後半類話見『世說』言語篇4。

(一)○世說「繇」上有「鍾」字。(二)○世說作「可令二子來」。(三)○「敢」廣記作「得」、世說作「敢」。

(四)○世說「又」作「鍾毓兄弟小時」。(五)○「散酒」今本世說作「藥酒」、書鈔八五所引世說作「散酒」。(六)

○「假」世說作「託」。(七)○今本世說無「之」。

99 鍾會撰四本論始畢、甚欲稽公看、致之懷中。既詣宅、畏其有難、懼不敢相示、出戶遙擲而去。

校記 出世說。續談助四(52)。○余氏106。唐氏99。周氏114。此條見今本『世說』文學篇5。

(一) ○十萬卷樓本「本」誤作「木」。(二) 世說「看」作「一見」。(三) ○世說「致之」作「置」。(四) ○世說「詣宅」作「定」、恐誤。(五) ○世說無「有」。(六) ○世說此句作「懷不敢出」。(七) ○世說此句作「於戶外遙擲、便回急走」。

100 鍾士季常向人道「吾少年時一紙書、人云是阮步兵書、皆字字生義、既知是吾、不復道也。」

校記 出語林。續談助四〔53〕。○鈎沈『語林』31。余氏107。唐氏100。周氏115。

(一) ○十萬卷樓本無「皆」。

101 阮德如每欲逸走、家人常以一細繩橫繫戶前、以維之。每欲逸走、至繩輒返。時人以爲名士狂。

校記 出世說。續談助四〔54〕。○余氏108、注云、「案今世說無此事、御覽七百三十九亦引作世說。」唐氏101。周氏116。

御覽七三九云、世說曰、阮德如嘗與親友逍遙河側、歎曰、大丈夫不能使僕從陷於河橋、非丈夫也。坐者或曰、德如以高素致名、不應發此言、必將病之候。俄而性理果僻、欲逸走。家人嘗以一細繩橫繫之戶前、以維之。每欲出、礙繩輒反。時人以爲名士狂。

(一) ○續談助各本無「走」、鈎沈依上文補之。

102 德如嘗於廁見一鬼、長丈餘、色黑而眼大、著白單衣、平上幘、去之咫尺。德如心安氣定、徐笑而謂之曰、「人言鬼

可憎、果然如是。』⁽²⁾鬼根而退。⁽⁵⁾

校記 出幽明錄。續談助四(55)。○鈎沈『幽明錄』66。余氏109。唐氏102。周氏117。同話見『琅琊代醉編』三三。

(一)○鈎沈幽明錄(以下同)句頭有「阮」字。(二)○幽明錄「白」作「阜」。(三)○幽明錄「而謂」作「語」。

(四)○幽明錄無「如是」二字。(五)○幽明錄作「鬼即赧愧而退」。

103 桓宣武征蜀、猶見諸葛亮時小吏、年百餘歲。桓問、⁽¹⁾「諸葛丞相今與誰比。」⁽²⁾意頗欲自矜。⁽³⁾答曰、「葛公在時、⁽⁴⁾亦不覺異、自葛公歿後、⁽⁵⁾正不見其比。」

校記 出雜記。續談助四(56)、注云此卷並吳蜀人。說郭二十五(21)。○張澍輯諸葛故事一「諸葛亮集」一九六〇・中華書局。余氏111。唐氏105。周氏118。類話見鈎沈『語林』134、又『晉書』桓溫傳。

(一)○故事「桓宣武」作「桓溫」。說郭・故事「諸葛亮」作「武侯」。(二)○十萬卷樓本續談助「桓問」誤作「復聞」。故事「桓」作「溫」。(三)○說郭作「今誰與比」。(四)○粵雅堂本續談助無「欲」、十萬卷樓本「欲自」作

「有」。鈎沈從說郭。故事引無此句。(五)○十萬卷樓本「時」作「此」。故事「葛公」作「諸葛」。(六)○說郭脫

「後」字。故事無「葛」。(七)○故事無「正」。

104 武侯躬耕於南陽、南陽是襄陽墟名、非南陽郡也。⁽¹⁾

校記 出異苑。續談助四(57)。困學紀聞十。○張澍輯諸葛故事五。*錢注杜詩一四武侯廟詩。余氏112。唐氏106。周氏119。此條不見今本『異苑』。

(一) 困學紀聞十引此句、於字據補。○困學紀聞「武侯」上有「諸葛」二字。(二)○「郡」十萬卷樓本作「都」、誤。

105 襄陽郡有諸葛孔明故宅、故宅有井、深五丈、廣五尺、堂前有三間屋地、基址極高、云是避水臺。宅西有山臨水、孔明常登之鼓琴、而爲梁甫吟。因名此山爲樂山。先有董家居此宅、衰殄滅亡、後人不敢復憩焉。

校記 出襄陽記。續談助四(58)。○諸葛故事五。余氏113。唐氏107。周氏120。同話見「御覽」一七七引盛弘之記、又事見「水經注」(四部叢刊本)二八汚水。王謨輯「漢唐地理書抄」引御覽一七七而注云、「說郛引此云」。所引之文與此條略同、但不見涵芬樓本「說郛」。

御覽一七七引盛弘之記云、宅西有三間屋、基跡極高。云是孔明避水臺。先有人姓董居之、滅門之後、無復敢有住者。
(後略)

諸葛故事五引習鑿齒襄陽記云、襄陽有孔明故宅、有井、深五丈廣五尺、曰葛井。堂前有三間屋地、基址極高、云是避暑臺。宅西面山臨水、孔明常登之、鼓瑟爲梁甫吟、因名此山爲樂山。嗣有董家居此宅、衰殄滅亡、後人不敢復憩焉。
(未著出處)

106 孫策年十四在壽陽詣袁術、始至、而劉豫州到、便求去。袁曰、「豫州何關君。」答曰、「不、英雄忌人。」即出下東階而劉備從西階上、但輒顧視之、行始不復前。

校記 出語林。續談助四(59)。○鈞沈「語林」10。余氏115。唐氏108。周氏122。

107 顧邵爲豫章、禁淫祀、毀諸廟。至廬山廟、一郡悉諫、不從。夜忽有人開閣徑前、狀若方相、云是廬山君。邵要之入坐、與談春秋、燈盡燒左傳以續之。鬼欲凌邵、邵神氣甚烈、鬼反和遜、求復廟。邵笑而不答。鬼怒曰、『三年內、君必衰、當此時相報。』如期、邵果病篤、咸勸復廟。邵曰、『邪豈勝正。』終不聽、遂卒。

校記 出志怪。續談助四(60)。○類說四九42。事文類聚前集四八。群書類編故事一一。鈎沈『雜鬼神志怪』8。余氏116。唐氏109。周氏123。續談助引文不全、今據類說錄。此條見廣記二九三引志怪、文尤詳。詳見鈎沈『雜鬼神志怪』。(一)○續談助「顧」誤作「顏」。類說·事文類聚「邵」作「劭」、下同、今從吳志本傳作「邵」。(二)○續談助無此句。(三)○「忽」「開閣」據續談助補。「徑」類說·事文類聚作「經」、今從續談助。(四)○「云」續談助作「說」。(五)○續談助無此句。(六)○續談助「與」下有「邵」字。(七)○續談助「燈」下有「火」字。事文類聚「甚烈」作「湛然」。廣記亦同。(八)○續談助無此二句九字。(九)○續談助引至此爲止。(一〇)○事文類聚無「篤」字。

108 沈峻、珩之弟也、甚有名譽、而性儉吝。張溫使蜀、與峻別、峻入良久、謂溫曰、『向擇一端布、欲以相送、而無羶者。』溫嘉其能自顯其非。

校記 出笑林。續談助四(61)。○鈎沈『笑林』12、略有不同。余氏118。唐氏111。周氏107。

109 諸葛恪對南陽韓文冕誤呼其父字、冕曰、『向人前呼其父字、爲是禮邪。』恪笑而答曰、『向天穿針、不見天怒者、非輕於天。意有所在耳。』

校記 續談助四（62）。○類說四九34。余氏120。唐氏114。周氏127。

(一) ○類說無「南陽」二字。(二) ○類說無「向」、「人」下有「子」字。(三) 類說無「爲是」二字。(四)

○類說無「笑而答」三字。(五) ○「怒」據十萬卷樓本補、粵雅堂本·類說均脫之。(六) ○「非」據類說改、續

談助作「其」、亦通。

110 孫皓初立、治後園、得一金像、如今之灌頂佛。未暮、皓陰痛不可堪。采女有奉法者、啓皓取像、香湯浴之、置殿上、燒香懺悔、痛即便止。

校記 出志成徹心記。續談助四（63）。○余氏123。唐氏116。周氏130。同話見鈎沈『宣驗記』18、同「旌異記』1、
『高僧傳』一康僧會傳。

(一) 按此下有闕文、旌異記具載之。○據旌異記補闕文。云、「孫皓得之、素未有信、不甚尊重、置於廁處、令執屏
籌、至四月八日、皓如廁、戲曰、『今是八日浴沸時。』遂尿頭上。」(二) ○「暮」鈎沈作「莫」、據續談助各本改。
(三) ○續談助各本「痛」均作「病」、鈎沈或依下文改歟、今暫存之。

111 杜預書告兒、古詩『有書借人爲可嗤、借書送還亦可嗤。』

校記 海錄碎事十八。○類說四九27。記纂淵海五六。余氏129、注云、「資暇集下引王府新書杜元凱遺其子書曰、書勿
借人。古人云、古諺借書一嗤、還書一嗤。與此不同。古人「云」三字當是衍文。」唐氏122。周氏137。此條在稿本欄外。

112 王安豐云、「山巨源初不見老易、而意闇與之同。」晉武帝講武於宣揚場、欲優武修文。山公謂不宜爾、因與諸尚書言孫吳用兵本意。後寇盜蜂合、郡國無備、不能復制、皆如公言。時以爲濤不學孫吳而闇與會。王夷甫亦歎其闇與道合。

校記 出世說。續談助四(64)。注云、此卷並晉江左人。○余氏125。唐氏120。周氏133。此條見今本『世說』識鑿篇4。又類話見賞鑿篇21。

(一) ○世說此三句在文末、而云「王夷甫亦歎云、公闇與道合。」(二) ○世說「揚」作「武」。(三) ○世說句頭有「帝」字。又以下云「親自臨幸、悉召群臣」。(四) ○鈎沈「吳」本作「武」、今據下文並世說改作「吳」。又下有「遂究論、舉坐無不咨嗟。皆曰、山少傅乃天下名言」十九字。(五) ○世說以上四句作「後諸王驕汰、輕邁禍難、於是寇盜處處蟻合、郡國多以無備、不能制服、遂漸熾盛、皆如公言」。(六) ○世說「時」下有「人」字、「以爲」作「以謂」、「濤」作「山濤」。又「與會」作「與文理會」。

113 裴令公目王安豐、「眼爛爛如巖下電。」

校記 出語林。續談助四(跋76)。○鈎沈『語林』43。余氏128。唐氏124。周氏136。同話見『世說』容止篇6。類話見次條114。

114 裴令公姿容爽備、疾困、武帝使王夷甫往看之。裴先向壁臥、聞王來、強回視之。夷甫出語人曰、「雙眸爛爛、如巖下電、精神挺動、故有小惡耳。」

校記 出世說。續談助四(跋75)。○余氏127。唐氏124。周氏135。此條見今本『世說』容止篇10、有小異。類話見前條

(一) ○世說以上作「裴令公有儻容姿，一旦有疾至困」。 (二) ○世說「武帝」作「惠帝」、又「看」下有「之」字。
 (三) ○世說「先」作「方」。 (四) ○世說「來」作「使至」。 (五) ○世說「夷甫」作「王」。 (六) ○世說此句作「雙目閃閃」。 (七) ○世說「如」作「若」。 (八) ○世說此句作「體中故小惡」。

115 魏時、殿前鐘忽大鳴、震駭省署。張華曰、「此蜀銅山崩、故鐘鳴應之也。」蜀尋上事、果云銅山崩、時日皆如華言。

校記 廣記一百九十七、○余氏133。唐氏126。周氏141。同話見今本『異苑』二、余氏注云、「此出異苑二、文有異同。」類話見『御覽』五七五、引『東方朔傳』。又見『琅琊代醉篇』二四。

(一) ○廣記引無「張」字、鈎沈以意補之。

116 中朝時、有人畜銅澡盤、晨夕恆鳴如人扣。以白張華、華曰、「此盤與洛鐘宮商相諧、宮中朝莫撞鐘、故聲相應。可鍾令輕、則韻乖、鳴自止也。」依言即不復鳴。

校記 廣記一百九十七。○余氏134。唐氏128。周氏142。同話見今本『異苑』二、余氏注云、「此亦出異苑二。」又見『御覽』五七五、引『廣古今五行記』。

(一) ○鈎沈句頭本有「蜀」字、廣記各本皆無、今依刪。 (二) ○廣記各本無「鐘」、鈎沈或依異苑補歟、今暫存之。

117 武庫內有雄雉、時人咸謂爲怪。華云、「此虵之所化也。」即使搜除庫中、果見虵蛻之皮。

校記 廣記一百九十七。○余氏135。唐氏129。周氏143。同話、余氏注云、「出異苑三」。又見『白帖』九。

(一) ○鈎沈「蛇」本作「蛇」、廣記談刻・黃刻本均作「蛇」、汪校本作「蛇」。今依談刻改爲「蛇」、下同。

118 吳郡臨平岸崩、出一石鼓、打之無聲。以問華、華曰、「可取蜀中桐材、刻作魚形、扣之則鳴矣。」即從華言、聲聞數十里。

校記 廣記一百九十七。○余氏136。唐氏130。周氏144。同話見今本『異苑』二、又見『白帖』九·十八引作『異苑』之文、『海錄碎事』九上。

119 嵩高山北有大穴空、莫測其深、百姓歲時、每游其上。晉初、嘗有一人、悞墜穴中、同輩冀其倘不死、試投食於穴。墜者得之爲糧、乃緣穴而行。可十許日、忽曠然見明、又有草屋一區、中有二人、對坐圍碁、局下有一杯白飲、墜者告以飢渴。碁者曰、「可飲此。」墜者飲之、氣力十倍。碁者曰、「汝欲停此不。」墜者曰、「不願停。」碁者曰、「汝從西行數十步、有一井、其中多怪異、慎勿畏。但投身入中、當得出。若飢、即可取井中物食之。」墜者如其言、井多蛟龍、然見墜者、輒避其路。墜者緣井而行、井中有物若青泥、墜者食之、了不覺飢。可半年許、乃出蜀中。因歸洛下、問張華、華曰、「此仙館。所飲者玉漿、所食者龍穴石髓也。」

校記 廣記一百九十七。○*類說四九43。余氏137。唐氏131。周氏145。同話見鈎沈『幽明錄』63。又見『初學記』五、『白帖』二、『御覽』三九、『事文類聚』前集一三、群書類編故事三、皆引作出劉義(毅)慶『世說』。類話見鈎沈『幽明錄』62、鈎沈『小說』新附149。

(一)○「見」鈎沈原闕、廣記作「其」、余氏注云、「疑爲見之誤」。今從余氏說。

120 晉張華有鸚鵡^㉑、每出還、輒說僮僕好惡。一日、寂無言。華問其故、曰、「被禁在甕中^㉒、無因繇得知外事。」忽云、「昨夢不佳、所忌出外。」華強呼之、至庭。果爲飛鷹所擊、僅獲見免。

校記 *鐵圍山叢談六。○類說四九39。鐵圍山叢談引文不全、今以類說補。琅琊代醉編三九。余氏131。唐氏134。周氏139。同話見今本『異苑』三。

(二)○類說引無「晉」。 (三)○鐵圍山叢談「瓮」作「甕」。 (三)○鐵圍山叢談此句作「何繇得知」四字。又引至此爲止。

(待續)